

Vultum amatae, voluptate exhilaratum, labia ad osculationem conglomerantem, ornat ille, capillos erectus, in fronte musco pingens Tilakam, tanquam leporis imaginem in luna; lascivit nunc in nemore insulae, Yamuna circumfluae, victoriosus Murae hostis.

In nodis comae qua circumfluitur vultus puellae, emicantibus quasi e nobilibus coacervatis, tanquam in luco dorcadis ceu Amoris, figit Kuruvakae florem coruscantem, veluti fulmen; lascivit nunc in nemore insulae, Yamuna circumfluae, victoriosus Murae hostis.

In firmo geminarum papillarum coelo, quod musci fragrantia inductum et unguium vestigiis quasi cornibus lunae ornatum est, hypothymiada unionum, stellarum congregationi similem, iungit; lascivit nunc in nemore insulae, Yamuna circumfluae, victoriosus Murae hostis.

In brachiis mollibus, fragmina fibrarum mollitiae superantibus, in manus quasi in folia nymphaearum desinentibus, nivis instar frigidulis, expandit armillas smaragdineas, tanquam geminum apum examen; lascivit nunc in nemore insulae, Yamuna circumfluae, victoriosus Murae hostis.

Femina, domicilium amoris, thronum dei mentigenae, coxis turgentia, induit amiculo, circumdatque zona gemmis distincta, fibulas indignata; lascivit nunc in nemore insulae, Yamuna circumfluae, victoriosus Murae hostis.

Nymphaeam pedis, unguibus ceu gemmis ornatam, cordi suo, quo Kamala habitat, impositam, induit fuco Yâvakae, quasi tegimento externo; lascivit nunc in nemore insulae, Yamunae circumfluae, victoriosus Murae hostis.

Dum frater vafri Haladharae summopere delectat pulericomam quandam, quid tam longe ego frustra et laetitiae inops morata sum heic in gremio vimenti? dic, o amica. Lascivit nunc in nemore insulae, Yamuna circumfluae, victoriosus Murae hostis.

Ne degant mala ex aevo Kalis genita in rege vatam, Jayadêva, praecone virtutum Haris, interprete amorum, adoratore pedum Madhusûdanae. Lascivit nunc in nemore insulae, Yamuna circumfluae, victoriosus Murae hostis.

Si fallax ille, misericordiae expers, o amica, non advenit, tu, nuncia, animo cur angeris? Si amasius ille pro libito divagatur, quid in eo a te peccatur? Ecce, mens mea, dilecti virtutibus attracta, quasi erumpens, quippe desideriiis nimis vexata, ipsa nunc obviam ibit, ut conveniat eum.

Non uritur illa in lecto nymphaearum recubans, quae exhilaratur, o amica, ab illo, qui agresti corolla cinctus, oculis refert nymphaeam fuscam, vento agitatum.